


礼  
8



礼  
5



吳興劉氏嘉業堂鈔本

宋會要卷第二十三

大興徐松輯大典本

吳興劉承幹編定

禮五吉

郊祀玉帛

郊祀牲牢

南北郊壇等

壇殿

郊祀玉帛

郊祀牲牢

南北郊壇等

壇殿大小次



吳興劉氏嘉業堂鈔本

宋會要

卷

禮 吉

郊祀玉帛

真宗景德三年十月二十四日內出睢上后土廟圖令陳堯叟量加修飾仍詔汾陰壇后土黃琮神州地祇兩圭有邠令文思院以美玉製之

十二月二十四日詳定所言所用玉幣望下太府寺少府監製造供用又車駕還鞏縣日道次設幄殿皇帝服鞞袍設香酒時果牙盤食遙拜諸陵命大臣以香幣酒脯詣致告后陵即別差官並詔恭依



宋會要卷第二十三

大典徐松輯大典本

吳興劉承幹編定

禮五 禮五 禮五 郊祀玉帛

郊祀牲牢

南北郊壇等

禮 吉

郊祀玉帛

真宗景德三年十月二十四日內出睢上后土廟圖令陳堯叟量加修飾仍詔汾陰壇后土黃琮神州地祇兩圭有卽令文思院以美玉製之

十二月二十四日詳定所言所用玉幣望下太府寺少府監製造供用又車駕還鞏縣日道次設帳殿皇帝服鞞袍設香酒時果牙盤食遙拜諸陵命大臣以香幣酒脯詣致告后陵即別差官並詔恭依



神宗元豐六年十一月五日親郊命吏部尚書奉玉幣從皇帝至昊天上帝神座前奠鎮圭真玉幣次詣太祖神座前奠圭幣一如元豐四年禮院言儀

高宗紹興元年二月五日詔祀天玉以蒼璧皇地祇以黃琮感生帝以四圭有邸神州地祇太社太稷以兩圭有邸止依方色奠幣權不用玉時闕玉權宜也

八月七日詔祀神玉令文思院製造蒼璧黃琮尚慮數少更降玉璧一塊可相度添用

八日參知政事張守奏蒙降出蒼玉璞已送文思院上曰所從買家知是大禮所用頗邀厚價朕以祀天不可計費

吳興劉氏嘉業堂鈔本

四年四月十六日太常寺言大禮依儀合用禮神真玉除昊天上帝皇地祇已有蒼璧黃琮外其餘五方帝日月等玉依天聖故事用珉從之以臣僚言明堂大禮如非祀禮賞軍其他冗費每事減節故也

十三年十月禮部太常寺修立郊祀禮儀祀日丑前五刻太府卿帥其屬入陳幣於籬少府監陳玉各置於神位前昊天上帝以蒼璧皇地祇以黃琮青帝以青珪赤帝以赤璋黃帝以黃琮白帝以白琥黑帝以黝即玄璜神州地祇以兩圭有邸日月以珪璧五嶽以兩圭有邸皆盛於匣昊天上帝配帝幣皆以蒼皇地祇以黃日月內官以下各從其方色祀日質明行事皇帝升壇詣



昊天上帝神位前跪奠鎮圭興又跪內侍加玉于幣以授吏部尚書吏部尚書以授左僕射左僕射西向跪以進禮儀使奏請受玉幣皇帝受奠訖吏部侍郎東向跪受以興進于昊天上帝神位前次諸皇地祇太祖太宗神位前奠鎮圭玉璧並如上儀配位唯不奠玉皇帝東向受幣左僕射北向進吏部侍郎南向受以奠於配帝神位前至賜胙再拜訖吏部侍郎帥太祝執篚進取幣降詣柴壇升置燎柴諸大祝又以神位幣帛從燎

孝宗乾道六年閏五月十四日中書門下省檢正左右司言郊祀事務合歸有司者乞並不申三省其禮部備申朝廷降旨者如檢舉排辦事務依前郊大禮左藏庫

吳興劉氏嘉業堂鈔本

供應幣帛望自今本部徑下太常寺照例報所屬排辦從之

甯宗嘉泰四年十月九日吏部侍郎兼侍讀顏棫等言臣等近因進讀高宗皇帝聖政至紹興元年八月辛未降出蒼玉璞付文思院上曰賣者知是大禮所用頗邀厚價朕以祀天不當計費上喜見玉色臣讀畢因奏曰近者竊聞有以四圭有邸來獻陛下者陛下即以付之奉常其事正與光堯相類陛下願謂臣曰卿曾見來此中原舊物極大且厚色甚溫潤又願臣棫等天顏悅甚臣又奏高宗皇帝得蒼璧而喜陛下得圭邸而喜豈以得玉為喜蓋誠於奉天故喜於得祀天之器况又中原



故物湮沒七十年間陛下一旦得之正以至誠所感耳  
乞降付史館書之簡策從之  
七年正月十三日禮儀院言南郊合祭天地太府寺供  
幣七十八段除正位十三段外自餘施於內官則有餘  
用於中外官嶽瀆則不足竊尋禮制內外官海嶽幣從  
方色欲望皇帝親祀昊天上帝皇地祇配帝五方帝日  
月神州天皇北極及內官五十四中官百五十九外官  
百六嶽鎮海瀆十八請並供制幣各如方色著為定制  
從之

徽宗大觀四年四月二十八日議禮局言周官肆師立  
太祀用玉帛牲牲立次祀用牲幣立小祀用牲牲之有

吳興劉氏嘉業堂鈔本

幣致酬酢之義以飲酒之有酬幣也七祀在周官亦祭  
於宮中蓋群小祀之比則祀不用幣亦可知矣先儒謂  
小祭祀王元冕所祭也今祭七祀用特牲而所服止於  
元冕乃有奠幣之儀於禮不稱夫幣之通制一丈八尺  
大祀次祀小祀無不用焉則祭享之間何以別之望依  
開元開寶通禮七祀不設奠幣焚幣之儀他小祀准此  
以合周官肆師立祀之意從之

政和四年四月十四日禮制局言古者祭祀禮神無不  
用玉周官典瑞掌玉器之藏蓋已事則藏有事則出而  
復用未嘗有燔瘞之文其說起於鄭氏注與韓詩外傳  
崔氏義宗三家謬誤鄭氏注周禮大宗伯以禋燎祀司



司中司命謂玉帛燔燎也又大宗伯以狸沈祭山林川澤鄭氏注謂埋牲玉也則周官本無用玉而燔燎之文又詩稱告祭柴望書稱至於岱宗柴禮記天子適四方先柴又曰燔柴於泰壇皆止謂以柴為燔而韓詩外傳謂天子奉玉升柴加於牲上而燔之意外增加用玉豈有六經止說燔柴如此之詳而無一字及玉者其後崔氏又引雲漢之篇稱圭璧既卒以為燔瘞而畫故至於無其說愈加繆戾蓋古者止有祀天燔帛祭地瘞繒之禮以玉難得故諸侯五玉既覲乃復還之在三代時玉已難得而祭祀用玉之數為多其不燔瘞可知乞依周禮正經並不燔瘞今後大禮及諸常祀皆以真玉為禮

吳興劉氏嘉業堂鈔本

神之器仍依周官典瑞之職掌其藏時出而用無得燔瘞從之

四月二十六日太常寺言夏祭大禮格皇地祇玉以黃琮二神州地祇用兩圭有邸二議禮局降到儀注皇地祇玉以黃琮神州地祇五嶽以兩圭有邸按周禮典瑞兩圭有邸以祀地旅四望本寺歲祭四望嶽鎮海瀆各用兩圭有邸若依大禮格即嶽鎮海瀆皆無用玉之文若依議禮局儀注并歲祭四望即皆合用兩圭有邸詔送禮制局議定禮制局言周官旅上帝四望皆謂非常之祭則嶽鎮海瀆從祭大祇不當用玉紹聖親祀北郊儀注皇地祇以黃琮神州地祇以兩圭有邸嶽鎮海



濟亦不用玉則今來夏祭合依大禮格皇地祇神州地祇用玉外餘並不用兼看詳周禮圭璧以祀日月星辰新義云日月星辰以璧為邸則四圭邸璧可知四圭邸璧則兩圭邸琮可知先儒之說兩圭有邸亦以璧為邸其理非是合依新義兩圭邸琮從之

五月五日禮制局言祭祀始則求神而禮之終則正祭而祀焉大宗伯以黃琮禮記蓋施於求神之時也與大司樂以函鍾為宮至地亦皆出可得而禮同矣典瑞兩圭有邸以祀地蓋施於薦獻之時與大司樂奏大簇歌應鍾舞咸池以祭地同矣鄭氏乃謂以黃琮禮地神之在崑崙者兩圭有邸以祀地祇於北郊神州之神且

吳興劉氏嘉業堂鈔本

黃琮兩圭有邸周官特言禮地祀地而已初無神州崑崙之別鄭氏之說本於讖緯之書前代如長孫無忌輩固嘗辨其非矣又况皇地祇神州地祇亦同位於一壇之上於皇地祇亦則禮而不祀於神州地祇亦則祀而不禮豈禮意乎晉徐邈唐顯慶禮皆以蒼璧四圭有邸為祀天之玉何獨於黃琮兩圭有邸而疑之哉國朝祀儀祭皇地祇亦以函鍾為宮而下為降神之樂以奏太簇歌應鍾為薦獻之樂至於用玉嘗依鄭氏之說未應禮注伏請黃琮兩圭有邸並施於皇地祇求神則以黃琮薦獻則以兩圭有邸又言黃琮鄭康成及梁正三禮圖皆謂八方以象地聶崇義言黃琮比大琮每角各刻出一寸六



分共長寸厚寸蓋厚寸乃大琮之制而每角各刻出一寸六分共長八寸於經無見不知崇義何所據而為此說謹案考工記大琮十有二寸作內鎮宗后守之璧琮有九寸者諸侯以享天子有八寸者以頒聘瑑琮八寸諸侯以享夫人駟琮有七寸者天子以為權有五寸者宗后以為權其所用者各異獨不言黃琮廣狹厚薄制度今方澤並用坤數而黃琮乃禮地之器則其制宜廣六寸厚二寸為八方而不刻又言考工記云兩圭五寸有邛以祀地兩圭之長宜共五寸新義云兩圭並宿一邛則兩圭宜託宿宗於琮也然琮色黃而圭乃不言色由體以起用恐當用黃琮之色謹案周官大宗伯以玉

吳興劉氏嘉業堂鈔本

作六器以禮天地四方而繼之以皆有牲幣各放其器之色牲幣且當放玉之色則圭之色獨可以異於琮邪伏請兩圭並以黃玉為之並從之

### 郊祀牲牢

古者大祭祀之牲牲先期三月殊養之國朝大中小祠皆前一日有司供於祠所太僕寺掌供羊牛司農寺掌供豕

太祖建隆四年八月二十九日有司上言準禮宗廟之牛角握天地之牛角繭栗太廟四室各用犢一昊天上帝用犢一皇地祇及配帝用犢一加羊豕各一五方帝用隨方色犢各一大明赤犢一夜明白犢一神州地祇



黝犢一皆有羊豕從祀中外官而下共用羊豕各九周  
顯德元年郊祀太廟四至共用犢一郊壇用犢羊豕之  
數如故頗異舊制詔太廟宜用犢二郊壇宜用犢五羊  
豕如令

開寶元年十一月十四日冬至親郊詔有司宗廟共用  
犢一郊壇用犢牲如周禮制

二年六月二十九日詔大祀所供犢自今委牛羊司養  
養無得闕事其常祀惟昊天上帝皇地祇用犢自餘大  
祀悉以羊豕代之

七月二十一日牛羊司上言本司無犢牛望仍舊委  
開封府收市詔自今每犢給錢五千復委開封府祇應

吳興劉氏嘉業堂鈔本

太宗淳化三年九月二十一日侍御史王洞上言諸祠  
祭並用少牢其羊並太僕寺於牛羊司請重二十斤以  
上者近日供到多是瘦瘠臨時既難換易供用便為虧  
禮况關進胙誠合用心自今望令本司以肥脂者充如  
有違慢望行懲責從之

四年正月二日親郊以宣祖太祖並配上帝增用犢四  
真宗咸平二年十一月丙戌南郊正位二配位二每位  
用犢一羊一豕一五方帝每位用羊豕一日月神州每  
位羊二豕二從祠七百三十七位皆不用牲並以上件  
羊豕分充用幣帛七十八段天帝配帝日月五方帝神  
州外餘六十六段



五年六月上甲始庀牲

十月上甲始繫牲

景德三年十二月二十日詳定所言准禮例后土地祇用黃牲一配帝二座用黃牲二神州地祇用黝牲一並繭栗犢及從祀羊豕各五仍各置副使預先滌養四年十月十二日詔自今應用犧牲歲初委擇純色別養養之太常寺察舉在滌無得捶扑一如舊典中小祠止用肉者並加羊一

大中祥符元年七月四日詳定所上言南郊正位二配位二每位用犢一羊一豕一五方帝每位用羊一豕一日月神州每位羊二豕二從祀七百三十七位皆不用

吳興劉氏嘉業堂鈔本

牲並以上件羊豕分充今參詳准手詔五方帝日月神州並特用方色犢其舊用羊豕二十二望改充從祀牲從之

八月四日詳定所上言准光祿寺牒景德二年南郊天皇大帝北極二位升在第一等與日月五方帝神位同用十籩十豆封禪日未審用何等禮料今參詳日月五方帝神州地祇准禮用犢天皇大帝北極元是星座准禮不用犢封祀日欲望令光祿寺於從祀牲肉薦體其豆籩禮料依第一等神座例從之

三年三月詔自今十坊監車營務乳酪院諸園苑開封縣西郭省莊有孳生純赤黃色牛犢別置欄圈喂養准



備揀選供應如養飼可充用者每一犢省莊人戶支錢三千坊監二千逐處有新生犢即申省簿記關太僕寺逐祭取索供應

四月二十四日詔自今祠祭猪羊宰殺分為四段入房封鎖至時請出更不用火印仍令監祭常切點檢稍有怠慢罪在監祭使

仁宗天聖元年十二月詔自今每禁屠宰日限內有祠祭據合用肉依仍宰殺供應即不得宰過所用數

二年三月詔供庖務牛羊司自今據司農寺合要祠祭猪數預先收買及式樣純黑長尾肥好猪破糟食子粟飼養供應如後更供瘦病不完具者主典當行嚴斷仍

吳興劉氏嘉業堂鈔本

令開封府每年舉行指揮

景祐五年四月三日三司言祠祭用犢預先并母養於牛羊司候祭訖犢支錢五千母給本主今後乞并母給錢免妨耕種從之

嘉祐七年八月一日翰林學士王珪等言准詔詳定秘閣校理裴煜奏五方及七感生帝皆大祠其從祀牲用羊一豕一禘祭正位從祀一百九十有三牲用羊二豕二釋奠雖曰中祠文宣王配位從祀九十有三武成王配位從祀七十有五各用羊一豕一其剗剗殆不備足禮院請祀五方感生帝禘八神釋奠文宣王武成王從祀者衆其用牲既少俎實幾不能充今宜加五方感生



帝羊二豕二禘百神羊五豕五文宣五武成王羊三豕  
三請如禮官之儀詔恭依

十月十二日詳定郊廟奉祀禮文所言熙甯祀儀正  
月上辛祀感生帝孟冬祭神州地祇牲用羊豕宜俱用  
犢而去羊豕從之

神宗元豐五年二月癸酉監察御史王栢言祭祀牢醴  
之具皆掌於光祿而寺官未嘗臨蒞失事神之敬伏請  
大祠皆輪光祿卿少卿朔祭及中祠輪丞主簿監視並  
從之

哲宗元祐六年正月詔自今祠祭毋用羔羊從禮部請  
也

吳興劉氏嘉業堂鈔本

紹聖三年禮部侍郎黃裳言北郊配帝牲用赤與南郊  
用牲不同帝王德配天地則其牲弊宜從所配請皆用  
黃從之

徽宗大觀元年八月七日詔京畿轉運司於近畿擇地

置官設徒養牛千頭以備祠享有餘供他用

縣科買言者謂  
擾民故有是詔

九月十四日又言禮記曰郊特牲而社稷太牢又曰  
祭天地之牛角繭栗蓋以覆燾持載之功無物可稱故  
至恭不壇埽地而祭以下為貴也大裘不裼而冕無流  
陶匏之器橐鞬之席以素為貴也用繭栗犢取其誠懇  
以小為貴也特牲而已不及羊豕以少為貴也配坐亦



特牲以其祖遠而尊故以天道而事之書曰用牲於郊  
牛二春秋傳曰養牲養二卜是也嚴父明堂則有牛羊  
以其禰近而親故以人道事之詩曰我將我享維羊維  
牛是也孔安國不原於此乃曰郊以后稷配后稷配於  
天有羊豕殊無經據本朝儀注昊天上帝皇地祇太祖  
皇帝之坐各設三牲俎不獨配位誤用羊豕而正位亦  
不專用犢非尚質貴誠之義伏請改正親祠園丘方澤  
正配位皆用犢不設羊豕俎及鼎匕有司攝事准此從  
之

三年六月十三日詳定郊廟奉祀禮文所言謹按古者  
祭祀用牲有豚解有體解薦腥則解為七體薦熟則解

吳興劉氏嘉業堂鈔本

為十一體記曰腥其俎熟其穀鄭氏曰腥其俎謂豚解  
而腥之熟其穀謂體解而爛之孝子不知神之所享故  
薦腥而薦熟以備古今之食所謂豚解者四鬻去蹄殊  
其肩解如解豚然也胖合升蓋吉祭升右胖非吉祭升  
左胖特豚則左右胖合升士冠禮曰特豚載合升是也  
周人貴肩而賤解若薦熟升一胖則解不升若薦腥左  
右胖俱載則解亦升賈公彥曰凡言合升皆并解升若  
體解升者解不升是也故先儒言吉祭薦腥七體謂兩  
脾兩肩兩胎并脊也其解與肩胎皆左右脾俱用以其  
解之如解豚則合載亦當如升豚矣至薦熟俎惟用右  
胖解不升而體解為十一體

即用朝踐所薦七體沈於  
湯而體解之除脊全用外



其肩胛骨唯解右胛肩臂臑肱胛正脊一胛脊一橫脊一短脊一正脅一代脅一皆二骨以並周官內饗辨體名肉物凡宗廟之祭祀掌割烹之事外饗掌外祭祀之割烹陳其鼎俎實其牲體諸子大祭祀正六牲之體謂此也今親祠南郊正配位之俎用牛羊豕之足各一用肉各一大廟每室用羊豕之足各一用牛肉各一至饋熟又鬻三牲之肉各一不殊左右胛不分骨之貴賤無豚解體解之別伏請自今郊廟薦腥之時解其牲兩胛兩肩兩脅并脊為七體左右胛俱用共載於俎則以兩胛在兩端兩肩次之兩脅次之脊居中皆進未至薦熟沈肉於湯止用右胛解不升前體肱骨離為三曰肩臂臑後體股

吳興劉氏嘉業堂鈔本

骨去體離為二曰肱胛其足附謂之肱前脊二骨謂之正脊其次直者二骨謂之脰脊又其次闊於脰脊者二骨謂之橫脊所謂脊從前為正而脊先前也脅最後二骨為短脅旁中二骨為正脅最前二骨為代脅所謂脅旁中為正脅先後也若升於俎則以肩臑在上端臑胛在下端脊脅在中央其載之次序則肩也臑也脰也正脊也脰脊也橫脊也代脅也長脅也短脅也臑也胛也此十一體在俎之序謂直依此設之少牢禮曰下利升豕其載如羊皆進下鄭氏曰進下變於食生也所以交於神明不敢以食道賈公彥曰公食大夫鄉飲酒牲體皆進臑臑是本是食生人之法此言進末末為終謂骨



之終是食鬼神法故云變於食生也今骨體升俎進於神座之前伏請依少牢禮皆進下又言古者堂上既朝踐然後退而合亨亨人以嚮者朝踐所薦腥爛牲體更鬻於鑊令熟乃薦今來若俟更鬻熟方薦則恐稽緩欲乞以牲體肩臂臠肫脰正脊脰脊橫脊長脅短脅代脅亦割骨節各以其半為腥俎半為熟俎腸胃膚俎亦然並從之

元豐元年八月又言請凡天神之祀皆燔牲首以報陽

凡地祇之祭皆瘞牲左髀以報陰凡薦亨大廟皆升首於室從之

吳興劉氏嘉業堂鈔本

配合依禮解牲體腥十一體熟諸祀每位以羊一豕一方得牲體數足高棊等四位循例共羊一豕一犢一解牲體不足今欲諸祀正配位用全體解剖餘從祀位並分設位神俎內兩師有正配兩位見用羊一豕一乞各增其一並從之

五年二月癸酉監察御史王柏言國朝南郊太廟儀注雖有太常卿宗正卿省牲之文官惟太祀廵牲而已其省鑊則以光祿卿而又未嘗視腥熟伏請祭前一日禮部尚書侍郎省牲光祿卿奉牲告充備禮部尚書省鑊祭之日禮部侍郎視腥熟之節從之又言應緣親祠告天地宗廟社稷並依令用牲從之



哲宗紹聖三年六月二十七日權禮部侍郎黃裳言北郊配帝之牲用赤與南郊用牲其色不同竊以帝王德配天地則其牲幣宜從所配之色請皆用黃從之

徽宗大觀四年四月二十八日議禮局言古者天子必有養獸之官遂人授之牧人牧人授之充人擇其毛而卜之吉然後養之三牢芻之三月封人歌其肥腠而宗伯省其純全然後用之歛之至也故記曰帝牛必在滌三月春秋傳曰鸚鼠食郊牛角過有司也展道盡矣其所以備災之道不盡也言省牲而知傷是展察之道盡也牢閑不謹傷之者至是備災之道不盡也古之養牲一月在外牢二月在中牢三月在明牢天時成矣然後

吳興劉氏嘉業堂鈔本

以為天性也又其養牲也必養二帝牛不吉則以為稷牛乃復取稷牛而用之大祀犧牲其嚴如此今郊廟所用牲牲雖已專置滌宮然未嘗易牢也乞命有司毛其純色芻之三月月易一牢以應在滌之義中祀六十日小祀三十日皆考古法庶協禮經從之

政和四年四月二十一日太常少卿林震言祠祭用牲未嘗徧省恐失滌養之本意伏請自今以一祭合用牲數並加省視畢然後告充告脂如常儀

五月九日太常言夏祭親祠升四鎮海瀆十三位於第二成乞增用牛豕各三今後常祠皇地祇依此從之八年十二月國子監丞兼權太常博士王晉言國朝郊



祀天地用犢而社稷宗廟與大享明堂用牛羊豕皆合於古巡幸以來禮文革創天地之祭止用少牢此權時之宜非循舊典近因大臣所請乃詔有司依舊制用太牢緣大牢係牛羊豕唯大享當用所有冬祀夏祭祈穀雩祀正配位止合用犢欲乞並依舊制時太常寺申言來年正月一日上辛祈穀祀上帝合用正副牛犢共四頭并母係角繭栗純黃色雄犢欲下兩浙轉運司於臨安府并所隸州縣官買兼每遇祀天地牲牢前九十日送牛羊司入滌仍乞以後依限收置並從之

吳興劉氏嘉業堂鈔本

等

南北郊壇

案此郊壇類自紹興二年以後原藁均標題中興禮書

宋初因舊制每歲冬至圓丘正月上辛祈穀孟夏雩祀季秋大享凡四祭昊天上帝親祀則并皇地祇位作壇於國城之南薰門外

大典卷五千四百五十一

真宗景德三年四月太常寺言神州壇壝中有阬塹及車馬之迹又兩壇步數迫隘不合禮文望令改擇壇位及依今式封標諸壇外壇禁人耕墾樵牧奏可即徙壇於方邱之西焉八月九日詳定所上言祀汾陰后土請



如封禪以太祖太宗並配又按開寶通禮及義纂方邱之制八角三成每等高四尺上闊十六步設八陛上等陛廣八尺中等陛廣一丈下等陛廣一丈二尺為三重壇量地之宜四面開門為瘞坎於壇之壬地外壇之內方深取足容物其右土壇望下經度制置使依此修築及依社首壇止用細土泥飾別無方色大典卷四千三百六十六元豐六年八月監察御史翟思言白帝壇地形北傾久雨積水無下地可決謂宜即高原廣阜改制乞下有司相視太常寺請下詳符縣命官同郊社令行視閑地改置從之同上

紹聖三年五月三日工部侍郎王宗望等言瑞聖園宴

吳興劉氏嘉業堂鈔本

殿偏在南北隅逼近街道不唯將來陳列儀衛喧全兼輅出入由厯正門難以迂曲其殿庭西廊外至園牆上闊四十步若修蓋望祭殿委是窄狹今比類南郊青城擬移近東克齋殿直本園南北門修蓋從之徐輯大典無卷數

六月乙酉詔立北郊齋宮於瑞聖園同上

六月二十七日權尚書禮部侍郎黃裳等言臣等相視北郊瑞聖園與南郊青城皆方三百步若以瑞聖園為惟宮最是近便其宴殿可以為齋宮即殿之西北為望祭殿以備陰雨詔入內內侍省選差使臣與工部同繪圖聞奏徐輯大典無卷數

北郊



哲宗紹聖三年八月十七日禮部言再詳定言郊壇制  
高廣丈尺已有元豐六年七月朝旨壇高一丈二尺設  
四陛其餘治四面稍令低下以應澤中之制緣深廣丈  
尺別無典禮自外壇之外量宜除治其深廣令與壇壇  
相稱仍於外壇四門外各留道路其祀祭官孫昭度等  
度北郊皇地祇壇東西一十六步步五尺凡八十尺南  
北如之周圍總六十四步計積尺三百二十尺壇身四  
陛四百五十六尺五寸看詳北郊外壇之外既除治合  
稍低下以應澤中之制又外壇四門之外當留道路以  
備親祀儀衛經由其廣闊合與外壇門相照今度南郊  
東外壇樞星三門南北共六十二尺南薰門外御路東

吳興劉氏嘉業堂鈔本

西牆辟闢五丈五尺五寸今所留道路若尺與外壇門  
相照亦自廣六丈有奇不妨儀衛往來從之仍令工部  
遣禮直官指畫增飾

大典卷五千四百五十一

紹聖四年閏二月八日禮部工部言白帝壇官乞移於  
庶人園從之

大典卷四千三百六十六

四年四月十四日工部言禮直官指畫到壇心東西南  
北各四十尺上等陛八尺中等陛一丈下等陛一丈二  
尺闊一丈二尺裏壇二十五步牆基三尺外壇二十五  
步牆基三尺東西南北四方摠九百八尺內除東北兩  
辟別無增展地步外有四辟比舊增出五尺侵官道南  
辟比舊增出一丈三尺侵官道三壇牆四門各闊六十



二尺壇身低處將高就低一例貼築并增飾一尺五寸  
外有櫺星門外壇之外量宜除治四面稍令低下欲乞  
自外壇外留五尺除治闊十丈以漸至中心深四尺擇  
日興工合得祭告從之 其從祭之祇升四鎮海瀆與  
五行五嶽同位於第二而山林川澤丘陵墳衍原隰之  
祇位內壇之內如故及壇並飾以黃色詔令楊戩依此  
修築五帝壇 大典卷千四百五十一

四年九月二十一日管幹修蓋北郊帷宮所言元詔別  
立望祭殿今來帷宮之東見建登成殿可以充望祭之  
所乞下禮官審議禮部太常寺言登成殿係車駕觀穀  
遊幸之處若遇親祠北郊權充望祭所恐非朝廷專為

吳興劉氏嘉業堂鈔本

祠神之意詔候將來禮畢令有司申請

徐輯本西華卷數

元符元年六年將作監言被詔修建南郊青城齊宮今  
已繪圖進稟緣大禮日逼望且先次修建寢殿等餘候  
禮畢興修宮外城圍亦預計工力從之十一日工畢凡  
為屋九百一十三間 帝幸瑞聖園觀新城北郊齋宮  
故事郊宮悉設以幕帟其費不貲上命繕營不日而成  
三歲一郊次舍之費縑帛三十餘萬工又倍之易以屋  
室一勞永逸所省多矣 同上

徽宗崇慶二年六月八日試給事中詳定編修大禮勅  
令鄧洵仁等言昨修建南北郊齋宿宮殿南郊曰齋宮  
北郊曰帷宮事體如一而名稱不同今欲並稱齋宮 同上



十五日編修大禮勅令所言將來北郊若依南郊例百官並宿青城竊恐盛夏幕次逼窄今有廢草場地與青城及方邱相近請率執親王使相執正侍從官六曹尚書侍郎並設次青城内餘就草場設次從之同上

政和四年四月十九日詔夏祭齋宮大内門曰廣禋東偏門曰東秩西偏門曰西平正東門曰合光正西門曰咸亨正北門曰至順南門裏大殿門曰厚德東曰左景華西曰右景華正殿曰厚德便殿曰受福曰坤珍曰道光亭曰承休同上

中興禮書

高宗紹興二年二月五日太常少卿程瑀等言已降指

中興禮書

吳興劉氏嘉業堂鈔本

揮令臨安府於城外東南已地踏逐祀天去處本府見踏逐城外東南妙覺院屋四間城内天寧觀屋五間今相視得妙覺院屋係面東兼出城遙遠不可用城外東南別無寺院若今創行修建有礙近降權住修造指揮若止就城内天寧觀望祭又近降指揮合於城外東南望祭今來合取自朝廷指揮詔權於天寧觀望祭徐輯齋無卷數

六年正月十五日禮部言準都省批下太常少卿何慤尋劄子近準省劄勘會圓邱方澤社稷之祭見於臨安府天慶觀小屋三楹卑陋隘隘隘軍民雜居喧怒雜亂深屬不便劄付寺同臨安府於城内外空閑去處別行踏逐申尚書省今同共踏逐到城外惠照院見今空閑堪

怒草是也。



援疑撥

充望祭齋宮其屋宇與見今齋宮間數頗同除廊門屋  
三間欲還僧依舊居止及別援屋兩間安頓佛像外其  
餘堪充齋宮屋宇去處合行修葺擬截門窻籬壁之類  
乞下臨安府施行更合取自朝廷指揮後批送禮部本  
部相度欲依所乞施行詔依同上

十三年正月十九日禮部太常寺言准紹興十二年十  
二月十一日勅節文來歲大禮乞用南郊冬祀之儀庶  
幾壇陛日時克符象類上應祖宗之故事遠合古昔之  
彝典詔令禮部太常寺討論禮制申尚書省今討論國  
朝禮制圓壇在國之東南壇之側建青城齋宮以備車  
駕出郊宿齋今欲令臨安府詳前項禮制於行宮東南

吳興劉氏嘉業堂鈔本

處疑行

城外先次踏逐可以修建圓壇并青城齋宮去處申處  
朝廷指揮候降下逐旋討論其餘合行禮制詔依討論  
到事理施行同上

二月十四日詔將來郊祀齋宮更不修蓋止令計置幕  
殿同上

紹興十三年二月二十五日領殿前都指揮使職事楊  
存中兵部侍郎程瑀知臨安府王渙權禮部侍郎王賞  
權太常少卿王師心祠部員外郎兼禮部段拂兵部員  
外郎錢時敏駕部員外郎王言恭太常丞葉庭珪太常  
博士劉嶠凌哲言同共出城相視園靈地步今於龍華  
寺西空地得東西長一百二十步南北長一百八十步



修築園壇除壇及內壇丈尺依制度使用地步九十步  
外其中壇外壇欲乞隨地之宜用二十五步分作兩壇  
外有四十步若依先項地步修築兵部車輅儀仗殿前  
司禁衛皆可以排列其龍華寺地步修建青城并望祭  
殿委是圓備從之

大典卷五千四百五十一

三月八日權禮部侍郎王賞等言檢會在京青城官殿  
大內門曰泰經東偏門曰承和西偏門曰迎禧正東門  
曰祥曦正西門曰景耀後門曰拱極大殿門曰端誠大  
殿曰端誠便殿曰熙成所有將來郊祀大禮如駕車前  
一日起青城宿齋欲乞令儀鸞司同臨安府預先於已  
踏逐地步內體做前項青城制度隨宜絞縛所有行事

吳興劉氏嘉業堂鈔本

執事陪祀官宿齋幕次亦乞令臨安府同儀鸞司預先  
踏逐側近寺院貼占釘設排辦詔依令隨宜絞縛不得

修大

三月十九日詔令有司遵  
守施行仍不得建造瓦屋

除輯大典無卷數

同日王賞等又言勘會將來郊祀大禮依禮例合修蓋  
望祭殿契勘在京園壇望祭殿係五間周圍重廊等今  
欲乞從太常寺具合用間例畫圖報臨安府預先修蓋  
施行詔並令絞縛幕屋

同上

同日王賞等又言勘會國朝禮例每遇冬祀大禮依儀  
皇帝宿齋三日內一日於大慶殿一日於太廟一日於  
青城所以將來郊祀大禮宿齋未審依前項禮儀唯復  
依紹興十年明堂大禮禮例並於前殿宿齋詔依祖宗



禮例施行不得創造齋殿

同上

十九日禮部太常寺言少保保成軍節度使兼領殿前都指揮使職事楊存中等劄子踏逐到龍華寺西空地一段東西長二百二十步南北長一百八十步修築圓壇除壇及內壇丈尺依制度使用地步九十步外其中壇外壇欲乞隨地之宜用二十五步分作兩壇外有四步若依前項地步修築車輅儀仗禁衛可以排列所有龍華寺側近地步修築青城并望祭殿委是圓備小帖子開說圓壇丈尺係冬祀大禮昊天上帝壇緣將來行郊祀大禮係合祭昊天上帝皇地祇并從祀共七百七十一位詔依尋令合千人打量合用丈尺相視今來圓

吳興劉氏嘉業堂鈔本

壇依做舊制及郊祀所設神位鋪設祭器登歌樂架酒尊前導路及皇帝飲福位等共合用第一成縱廣七丈第二成縱廣一十二丈第三成縱廣一十七丈第四成縱廣二十二丈分一十二陛每陛七十二級三壇第一壇去壇二十五步中壇去第一壇一十二步半外壇去中壇一十二步半并燎壇之制方一丈高一丈二尺開上南出戶方六尺三出陛在壇內二十步丙地修建今契勘所建圓壇并燎壇即未審合令是何官司管認修建詔令臨安府同殿前司修建

用七月二十三日庚時興工至十月二十二日

畢工宋會要其後畢工監修官一屬並轉一官選人比類施行同上

六月十二日權禮部侍郎王賁等言勘會將來郊祀大



禮已降指揮前一日於太廟宿齋緣今來太廟止有大次瓦屋五小間外未曾建置齋殿若行申明就大次後修蓋齋殿有礙近降不得創建齋殿指揮若不申明又恐將來車駕至太廟未有宿齋殿宇伏望更賜取旨施行詔令儀鸞司絞縛幕次

同上

十三日皇城司言知臨安府王暎劄子照會將來郊祀大禮所有青城齋宮合用絞縛物料係本府應辦即未見得的實合起蓋屋宇間架深濶丈尺數目及皇城四壁地步去處欲望劄下禁衛所皇城司等處將合起齋宮屋宇間架丈尺數目并皇城四壁分明標遷地步闕報儀鸞司同本府前去檢計實用物料以憑預行計置

吳興劉氏嘉業堂鈔本

施行本司隨宜相度到下項 一熙成殿前東西兩廊各設廊屋五間殿後貯廊并兩廊各設三間及後擁舍並條充十閣分事務等 一端誠殿并端誠殿門條受賀殿宇所有殿前合設班位本司即不見得立班員數竊慮至時妨闕乞下閣門等處相度施行 一端誠殿門外東西壁附近寢殿慮致喧鬧並合擗截不通過往并端誠殿門外合設宮門及宮門外合設皇城門其面南門內中道門條御路東西兩偏門放行事百官等并應奉人入出其周圍並條皇城即不見得皇城内置局應奉官司及宿齋臣僚幕次本司即難以標遷廣濶丈尺乞下所屬相度施行 一皇城裏合差親事官擺鋪



除擗截不通過往更不差人外合設二十鋪每鋪六人  
各合用自方八尺鋪屋一間並乞以本司兵幕充詔依  
七月十三日禮部太常寺言勘會今來郊祀大禮依議  
設小次於壇午階下之東西向乞令儀鸞司依禮例絞  
縛釘設排辦詔依後皆  
做此同上  
八月七日禮部太常寺言勘會依議設小次於圓壇外  
壇東門之內道北南向所有今來郊祀大禮合設大次  
欲乞令儀鸞司同臨安府預行計置絞縛釘設詔依  
後皆  
做此同上  
十日禮部太常寺言將來郊祀大禮前二日朝獻景靈  
宮欲乞依在京禮例就齋殿設大次乞下儀鸞司預先

吳興劉氏嘉業堂鈔本

相度前期釘設排辦詔依後皆  
做此同上

十三日禮部太常寺言今續條具到事件下項 一勘

會將來郊祀大禮依儀於壇之東南修築燎壇於壇之

西北開掘瘞坎今來除燎壇已降指揮令殿前司臨安

府修築外所有瘞坎亦乞令殿前司臨安府計會一就

開掘 一勘會將來郊祀大禮前二日朝獻景靈宮依

儀於殿之東南修築燎壇乞依自來大禮例令修內司

計會隨地之宜修築詔依同上

二十三日禮部太常寺言勘會已降指揮令臨安府同

殿前司修築圓壇并令儀鸞司臨安府絞縛青城并望

祭齋宮今欲乞候逐處修築絞縛了日從禮部依自來



大禮例定日同太常寺官將帶禮直官等及應奉官司  
詣逐處按視詔依同上

二十四日禮部太常寺言勘會今來所建圓壇并壇墻  
燎壇並合用紅灰泥飾及十二階陛并望祭殿內合用  
十二時立牌各一十二面共二十四面下馬牌六面其  
牌欲乞行下文思院計會太常寺指說製造所有合用  
紅灰令修建官司一就計料泥飾施行劄付工部施行  
九月十七日尚書省言勘會將來郊祀大禮太廟齋居  
逼近廟室致有喧雜詔令禮部太常寺同臨安府相度  
地步增展上曰太廟窄隘宿齋處與神御殿逼近人跡  
喧雜行禮不肅可令展套地步添蓋宿齋處  
所若要規模宏壯似舊日則不  
可至於崇奉之意須當依舊也同上

吳興劉氏嘉業堂鈔本

二十一日禮部侍郎王賞等言已降指揮太廟齋居逼  
近廟室致有喧雜令禮部太常寺同臨安府相度地步  
增展尋相度到太廟齋廳後隔墻南者倉內有教四間  
及傍有空地若拆去教屋其地南北九丈東西一十丈  
可以將見今絞縛齋廳移那向後兼北墻與別廟後墻  
一齊詔依同上

二十九日禮部太常寺狀勘會昨在京日圓壇并望祭  
齋宮者記得依條例合差宮壇戶各六人歲終打併掃  
洒照管除治草莽條下開封縣差取更不支破請給止  
與免戶下科配差使專一在壇祇應兼契勘今來圓壇  
應奉將來郊祀大禮畢其歲終常祀非泛奏告並合赴



平疑

圓壇行禮務要清潔今相度不敢依在京條例差破壇  
戶止乞令臨安府青委錢塘縣巡檢司差人兵一十人  
專一在壇照管打併除治草莽每季一替如壇墻有不  
測倒塌去處即令臨安府差人併手修築泥飾施行劄  
下臨安府依所申同上

十月九日禮部太常寺言郊祀大禮前一日朝饗太廟  
依例合自樞星門絞縛露屋曲尺接至大次前貯廊及  
大次上綵結鷓鴣並乞下儀鸞司同臨安府依例施行

詔依後皆  
做此同上

十月十三日禮部太常寺言修立郊禮儀注前祀三日  
儀鸞司帥其屬設大次於外壇東門之內道北南向小

吳興劉氏嘉業堂鈔本

次於午階之東西向又設文武侍臣次於大次前隨地  
之宜行事陪祠官宗室及有司次於外壇東門之外設  
東方南方客使次於文官之後西方北方客使次於武  
官之後設饌幔於內壇東門之外隨地之宜同上

紹興十四年八月十七日禮部太常寺言勘會望祭殿  
并端誠殿兩廊等臨安府並行去拆了當將來十一月  
冬至祀昊天上帝若遍行設從祀神位其望祭殿却合  
修蓋今檢準紹興元年二月五日勅節文每歲祀祭天  
地止乞設正配位詔依勘會將來冬至祀昊天上帝依  
儀合於圓壇設正配位行事所有從祀神位緣望祭殿  
并齋官未曾修蓋欲乞權依紹興元年二月五日指揮



施行詔依同上

十五年五月十四日詔祀天去處令臨安府措置務要嚴潔同上

來

十六年三月十一日詔圓壇令臨安府相度增葺同上  
六月十三日禮部太常寺言勘會將將車駕前一日赴青城合用齋殿等紹興十三年並係臨安府及鸞儀司承指揮絞縛排辦了當數內望祭殿當時係太常寺具合用間數畫圖報臨安府絞縛幕屋所有令來大禮合用望祭殿乞依十三年體例令太常寺具合用間數畫圖報臨安府如法絞縛幕屋其青城齋殿等亦乞依例令臨安府同儀鸞司絞縛施行詔就齋殿後量造瓦屋

吳興劉氏嘉業堂鈔本

餘並絞縛幕屋同上

十九年五月三日禮部太常寺言太廟奉安所申乞修蓋將來大禮齋殿等尋委太常寺主簿林大鼐相視得初獻廳後元搭蓋齋殿地步其齋殿若遇大禮旋行絞縛其木植焚埽物料等所用浩瀚今來若行修蓋別無妨礙貴得永久應奉車駕宿齋嚴潔免致逐番費擾今欲依本官相視到事理并齋殿兩壁合用屋宇乞下兩浙轉運司修蓋詔依同上

七月十二日禮部太常寺言大社令韓彥直公文乞每月遍詣諸壇壇齋官檢視遇有修整去處本局申太常寺報臨安府修整施行今省記在京大社令每月詣諸



壇壝齋宮檢視如有修整去處申太常寺報將作監行  
下所屬修整竊慮見今將作監別無所轄修造去處兼  
即今應修飾壇壝等並係臨安府應副今來欲乞依例  
下臨安府修飾施行詔依同上

十九年八月十九日禮部言臣僚上言臣近差祠皇地  
祇竊見齋宮在城外惠照院殿宇卑陋廊廡湫隘祭器  
樂舞之類皆隨宜安頓省牲視饌之處殆不容周旋仍  
迫近營寨誼譁弗蠲甚非國家嚴恭事神之意臣竊按  
在京祠事郊外各有壇壝齋宮今恐未能悉如舊制亦  
合於城外寬敞去處別創見齋宮所貴嚴潔不致褻慢  
况孟夏雩祀季秋時饗皆係祭祀上帝以配祖宗豈宜

吳興劉氏嘉業堂鈔本

因陋就簡一切闕畧伏望令有司措置施行 詔令禮  
部太常寺同臨安府措置本府申相度得惠照寺望祭  
齋宮見今行路與營寨一處通行欲於西向築牆截斷  
於南向河內填築土橋一道通徹舊齋宮門出入所有  
殿宇今欲去拆攬簷及兩廊脫換損爛去處重行修整  
取令明爽及於西壁創建齋宮一所廳屋五間扶屋七  
間兩廊屋十八間充行事宿齋省牲視饌幕次所有營  
寨牆屋迫近欲乞朝廷劄付殿前司行下本軍量行展  
入一丈免致喧譁外今措置下項 一見今望祭殿東  
西廊係準備值雨行事往來升降及東廊係巡牲點饌  
并入就位升降立班其西廊依舊充大樂禮器庫 一



欲乞將今來創建宿齋屋東廊從南第一間蓋貯廊通  
接齋宮西廊作角子門通過其常日乞令大社封鎖望  
祭殿門其鑰匙膏納太常寺官收掌遇行事令合干入  
請鑰匙開門放令祇應人鋪設一初獻廳後更行修  
蓋龜頭屋充聚廳習讀祝文位次詔依同上  
二十五年十月太常寺言大禮所用幕次係臨安府應  
副排辦乞專委知府提調從之同上  
孝宗隆興二年三月二十六日禮部太常寺言准正月  
一日詔令歲冬至日當郊見上帝可令有司除事神儀  
物諸軍賞給依舊制外其乘輿服御及中外支費並從  
省約仍條具以聞今條具下項一勘會今來大禮朝

吳興劉氏嘉業堂鈔本

獻景靈宮合用燎壇并朝饗太廟別廟殿室內合用神  
帳法物祭器神厨什物名件門戟并小次及七祀配饗  
功臣位次等并圓壇龕陛壇墻燎壇望祭齋殿大小次  
冊幄神厨什物等並係祀神儀物欲乞依逐次大禮體  
例闕報臨安府等處修飾絞縛排辦施行外其端誠殿  
并青城及待班屋等乞令兵部同臨安府等處照應今  
降省約指揮條具申請施行一太廟別廟廊廡神厨  
齋殿齋坊屋宇依逐次大禮例係兩浙轉運司臨安府  
檢計修飾今來太廟別廟殿宇欲乞依例修飾外所有  
齋殿并其餘屋宇亦合省約乞差官檢計量行修飾施

行後皆  
做此同上



惟當是雖

差參當是參差

乾道三年二月十一日權發遣臨安府王夔劄子今月初一日內殿奏事面奉聖旨宣諭今歲郊禮務欲節省如宿齋在易安齋相去稍遠更不欲去只端誠殿後旋安排一寢殿可以省造露屋之類爰已奏恭頌聖旨外緣本府見今計置合行事件欲望朝廷特賜覆奏行下以憑恭依施行詔依已得指揮

同上

五年九月十一日太常少卿林栗丞陳損博士龔滂主簿馮仲夷言竊惟祀帝於郊在國之南就陽位也古今議禮者惟差參不齊然就陽之義未之有改伏見國家舉行典禮歲中祀上帝者四春祈夏禱秋饗冬報其二在南郊圓壇其二在城西惠照院望祭齋宮蓋緣在京

吳興劉氏嘉業堂鈔本

日孟夏大雩別建雩壇於郊邱之左季秋大饗有司設事就南郊齋宮端誠殿今來行在未建雩壇及端誠殿遂權就城西望祭齋宮然於就陽之義因天事天無所依據謹按唐武德正觀開元國朝開寶興國祥符之間孟夏大雩季秋大饗皆即南郊圓邱行事皇祐二年始即大慶殿為明堂躬行嚴配之禮至每歲有司設事仍寓圓邱元豐五年始建雩壇於郊邱之左前此皆在圓邱欲望朝廷詳酌除三歲親祠自有典故外其有司攝事歲中四祭並即圓壇以遵舊制詔依

同上

二十七日權禮部侍郎鄭聞員外郎范成大等言近准錄黃林栗等劄子為季秋祀上帝乞於郊邱行事得旨



已依所乞然尚有當議者蓋國初沿唐制一歲四祭  
昊天上帝於郊邱謂祈穀大雩饗明堂祀圓邱也唯  
是明堂當從屋祭因循未正至元祐六年太常博士趙  
叡建言本朝親饗之禮自明道以來即大慶殿以為明  
堂蓋得聖人之意至於有司攝事之所乃尚寓於圓邱  
竊見南郊齋宮有望祭殿其間屋宇頗寬乞將來季秋  
大饗明堂有司攝事只就南郊齋宮行禮至元符元年  
又寓於齋宮端誠殿以此考之蓋既曰明堂當從屋祭  
故也前日寓祭於城西惠照齋宮以方位為非是今既  
改就南郊於禮為合但明堂當從屋祭不當在壇臣等  
竊見今郊邱之隅有淨明寺每祠事遇雨望祭於此欲

吳興劉氏嘉業堂鈔本

乞遇明堂親饗則遵依紹興三十一年已行典禮如常  
歲有司攝事則當依元祐臣僚所陳權寫淨明寺行禮  
庶合明堂之義詔依同上

壇殿大小次

聖朝自太祖以來每行郊禮皆營構青城幄殿即周禮  
之大次也又於東壝門外設更衣殿即周禮之小次也  
哲宗元祐九年正月詔重修黑壇齋宮同上

淳熙十二年八月五日郊祀大禮提點一行事務所言  
皇孫進封平陽郡王趣起起居等與宗室正任同幕次  
今來郊祀大禮降景靈宮幕次從已降指揮外所有太  
廟青城宿齋幕次乞施行詔令別行排辦



二十五日御史臺言勘會令來郊祀大禮前一日朝饗太廟至日圓壇行禮所有皇太子皇孫平陽郡王合用幕次皇太子前二日太廟宿齋今貼占齋殿前西壁四間前一日圓壇宿齋今貼占龍華寺皇孫平陽郡王前二日太廟宿齋今貼占齋殿前皇太子幕次南壁四間前一日圓壇宿齋今貼占龍華寺東廊堂屋三間詔依十月二十六日權發遣臨安府張均劄子奏伏見圓壇墻垣當郊之歲旋復營葺熙事告成又姑置而不問青城熙成一殿固所素有門禁不肅幾若通衢臣以為莫若俟今來禮成後將郊壇墻垣熙成殿宇嚴其扃鐃非時擅啟從本府量差使臣軍兵巡守守臣逐時檢察伏

吳興劉氏嘉業堂鈔本

乞特降指揮施行詔依

同上







聖

